

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 22. stav 1. Zakona o budžetima u Federaciji BiH („Službene novine FBiH“, broj: 19/06, 76/08, 5/09, 32/09, 51/09, 9/10, 36/10, 45/10 i 25/12), na prijedlog Ministarstva finansija, Vlada Zeničko-dobojskog kantona, na nastavku 107. sjednice, održanom 18.04.2013. godine, d o n o s i

O D L U K U
o obustavljanju izvršavanja pojedinih rashoda i izdataka u Budžetu
Zeničko-dobojskog kantona za 2013. godinu

Član 1.
(Privremeno zaustavljanje preuzimanja obaveza)

(1) Privremeno se u trajanju od 45 dana od dana donošenja ove odluke zaustavlja preuzimanje obaveza na teret Budžeta Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12), na pozicijama:

- a) 614100 – Tekući transferi drugim nivoma vlasti,
- b) 614200 – Tekući transferi pojedincima,
- c) 614300 – Tekući transferi neprofitnim organizacijama,
- d) 614400 – Subvencije javnim preduzećima,
- e) 614500 – Subvencije privatnim preduzećima i poduzetnicima,
- f) 615100 – Kapitalni transferi drugim nivoima vlasti,
- g) 821000 – Izdaci za nabavku stalnih sredstava, i
- h) 613900 – Ugovorene i druge posebne usluge (osim naknada po osnovu ugovora u ustanovama obrazovanja po osnovu izvođenja nastave, faktura za prevoz đaka i naknada za angažovanje spoljnih saradnika u Službi za zajedničke poslove Zeničko-dobojskog kantona).

(2) Preuzimanje obaveza na pozicijama:

- a) 613100 – Putni troškovi,
- b) 613400 – Nabavka materijala, i
- c) 613500 – Izdaci za usluge prevoza i goriva, može se vršiti samo u slučajevima hitnih potreba.

(3) Pod preuzimanjem obaveza iz stava (1) ovog člana podrazumjeva se: donošenje uredbi, odluka, zaključaka, rješenja, programa utroška i drugih akata od strane Vlade Zeničko-dobojskog kantona kojima se stvaraju finansijske obaveze prema Budžetu Zeničko-dobojskog kantona, donošenje podzakonskih, općih i pojedinačnih akata od strane ministarstava i drugih kantonalnih organa uprave i upravnih organizacija, kao i davanje saglasnosti i zaključivanje ugovora, sporazuma i protokola, kojima se preuzimaju finansijske obaveze prema Budžetu Zeničko-dobojskog kantona, te predlaganje Skupštini Kantona donošenja novih Zakona i drugih propisa koji iziskuju dodatna sredstva iz Budžeta Zeničko-dobojskog kantona.

(4) U navedenom periodu zaustavit će se i svaka preraspodjelu budžetskih sredstava, potrebna radi preuzimanja obaveza na teret pozicija iz stava 1. ovog člana.

Član 2.
(Produženje ugovorenih rokova plaćanja)

Obavezuju se svi budžetski korisnici da po osnovu već zaključenih ugovora o obavljanju poslova javnih nabavki, a u skladu sa zakonskim propisima pokušaju ugovoriti produženje ugovorenih rokova plaćanja, koji bi bili što povoljniji po Budžet Zeničko-dobojskog kantona.

Član 3.
(Realizacija)

(1) U posebnim slučajevima, Vlada Zeničko-dobojskog kantona svojim aktom može napraviti izuzetak u primjeni ove odluke.

(2) Za realizaciju ove odluke zadužuju se rukovodioci svih budžetskih korisnika Zeničko-dobojskog kantona.

(3) Zadužuje se Stručna služba Vlade da obavijesti Skupštinu Kantona o donošenju ove Odluke.

Član 4.
(Stupanje na snagu)

Odluka stupa na snagu narednog dana od dana objave u „Službenim novinama Zeničko-dobojskog kantona“.

Broj: 02-_____/13.
Datum, 18.04.2013. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo finansija,
1x Skupština Kantona, putem Stručne službe Vlade,
1x Svim ministarstvima i drugim tijelima kantonalne uprave,
1x “Službene novine Zeničko-dobojskog kantona”,
1x a/a.